

1.08 IXAJ YUG LOS

Chivkeeb 12, 15, 18 thiab 21

Puag thaum ub, muaj ib txivneej npe hu ua Aplaham. Nws pojniam npe hu ua Xalas. Lawv ua neej nyob lub tebchaws hu ua Halas, lawv loj hlob nyob hauv lub nroog ntawd. Muaj ib hnuv, Vajtswv hais rau Aplaham, Vajtswv muaj ib zaj tshwjxeeb heev hais rau nws paub. Vajtswv hais tias: “Koj cia li tso koj lub tebchaws, koj cov kwvtij neejtsa, thiab koj txiv lub tsev tseg, thiab sawv kev mus rau nram lub tebchaws uas kuv yuav qhia rau koj. Kuv yuav foom koob hmoov rau koj, kom koj lub koob lub npe nyob nto moo lug, thiab koj yuav ua rau lwm leej lwm tus tau txais koob hmoov.”

Aplaham thiab Xalas thiaj li sawmsim mus raws li Vajtswv lo lus samhwm. Lawv thiaj mus txog tebchaws Kana-as. Thaum ntawd, Aplaham muaj xya caum xyoo. Vajtswv hais rau nws hais tias Vajtswv yuav muab lub tebchaws ntawd rau nws cov xeebntxwv.

Zaum no Aplaham los ua neeg nplua nuj. Nws muaj txhua yam txhua tsav ntau heev. Thiab nws muaj tub hmab tub qhe coob. Muaj ib hnuv, Aplaham hais rau Vajtswv hais tias: “Tej uas kuv muaj no thaum kuv tuag muaj qab hau dabtsi, rau qhovkuv twb tsis muaj menyuam li? Tej uas kuv muaj no ntshai yuav tseg rau tub qhe xwb?” Vajtswv rau nws tias koj txhob txhawj. “Koj cia li tsa muag ntsia tej hnuv qub saum nruab ntug! Yog koj suav tau mas yejmem suav. Koj tej xeebleej xeebntxwv yuav coob li ntawd. Koj yuav muaj ib tsev neeg loj heev.” Aplaham ntseeg siab rau Vajtswv. Qhov no tseem ceeb heev.

Vajtswv qhia ntxiv rau Aplaham paub txog nws tsev neeg uas nws yuav muaj. Vajtswv hais tias yuav muaj teebmeem ntau tshwmsim los. Tibneeg yuav tsis mloog Vajtswv lus. Tiamsis Vajtswv yeej yuav muab lub tebchaws Kana-as no rau lawv.

Tiamsis Xalas tsis ntseeg hais tias Aplaham yuav xeebtaus tub. Aplaham los kuj ua xyemxyav. Vim tias nws twb muaj ib puas xyoo lawm thiab Xalas ces twb muaj cuaj caug xyoo lawm thiab.

Muaj ib hnuv muaj peb tus qhua tuaj xyuas Aplaham. Nws caw peb tus qhua ntawd los so hauv nws tsev. Xalas ua zaub ua mov rau lawv noj, muaj mis nyuj tibi. Yog ib npluag uas qab heev li tiag! Thaum lawv peb leeg ntawd muaj ib tug hais tias: “Lwm xyoo ncaj rau hnuv no, koj thiab koj pojniam yuav muaj ib tug tub!”

Xalas luag. “Ib niag pog laus li kuv yuav ua li cas muaj taus menyuam! Kuv tus txiv los twb laus lawm.” Vajtswv hnov Xalas luag. Vajtswv nug hais tias “Ua cas koj luag?” “Puas muaj ib yam twg uas Vajtswv ua tsi tau?”

Vajtswv hais tias: “Kuv twb xaiv Aplaham thiab foom koob hmoov rau nws lawm. Nws tej xeebleej xeebntxwv yuav ciaj ua ib lub tebchaws muaj zog thiab muaj hwjchim. Thiab Aplaham yuav ua rau txhua lub tebchaws tau koob hmoov. Kuv twb qhia rau nws kom nws qhia rau nws tej menyuam thiab tsev neeg kom paub ua neeg ncajnrees thiab mloog Vajtswv lus. Kuv yuav ua rau Aplaham ib yam li Kuv tau coglus tseg.”

Vajtswv tuav raws tej lus uas tau cogtseg rau Aplaham. Kwvlam ib lub xyoo tom qab, Xalas txawm yug tau ib tug tub rau Aplaham raws li Vajtswv tau hais tseg. Aplaham muab tus metub ntawd tis npe hu ua Ixaj, txhais hais tias luag.

Xalas zoo siab heev! Nws hais tias “Vajtswv muab txojkev zoo siab rau kuv! Leejtwg yuav paub tias kuv yugtau ib tug tub? Txawm kuv twb laus lawm los kuv tseem yug tau ib tug tub rau Aplaham!” Vajtswv ua tau txhua yam.

1.08 IXAJ YUG LOS – RAU TUS QHIA

Chivkeeb 12, 15, 18 thiab 21

Tej tseem ntsiab lus:

- 1) Vajtswv hais rau Aplaham thiab nws pojniam hais tias neb cia li tawm hauv neb lub tebchaws mus rau lub tebchaws Kana-as.
- 2) Vajtswv hais rau Aplaham hais tias koj yuav muaj xeebntxwv coob heev – ntau npaum cov hnuv qub saum nruab ntug.
- 3) Muaj peb tus tuaj xyuas Aplaham. Muaj ib tug hais rau Aplaham hais tias ncaj hnuv no rau lwm xyoo, Aplaham ob niamtxiv yuav muaj ib tug tub.
- 4) Xalas tsis ntseeg siab rau tej lus ntawd. Nws thiaj luag. Nws xav hais tias nws thiab Aplaham twb laus dhau lawm yuav muaj tsis taug tub.
- 5) Vajtswv ua raws nraim li tau coglug tseg. Xyoo tom qab, Aplaham ob niam txiv txawm muaj ib tug tub tiag.

LUS NUG:

- 1) Yog ua cas Aplaham thiab Xalas tso lawv lub tebchaws tseg?
- 2) Vajtswv hais tias Aplaham yuav muaj petsawg leej xeebntxwv?
- 3) Muaj ib tug hauv peb tus qhua uas tuaj xyuas ntawd hais dabtsi rau Aplaham?
- 4) Yog ua cas Xalas luag?
- 5) Vajtswv puas ua raws li Vajtswv tau coglus tseg?
- 6) Tus metub ntawd npe hu li cas?

LUS TEB:

- 1) Aplaham thiab Xalas tawm hauv lub tebchaws mus yog Vajtswv kom mus.
- 2) Vajtswv hais rau Aplaham hais tias neb tej xeebntxwv yuav ntau npaum cov hnuv qub saum nruab ntug.
- 3) Tus qhua uas tuaj xyuas Aplaham ntawd hais rau Aplaham tias lwm xyoo ncaj rau hnuv no nkawd yuav muaj ib tug tub.
- 4) Xalas luag vim nws xav hais tias nws thiab Aplaham twb laus dhau lawm yuav ua li cas muaj taus tub.
- 5) Vajtswv ua raws li tau coglus tseg.
- 6) Nkawd tis npe rau tus metub hu ua Ixaj.

Vajtswv tau cog lus tseg tias Nws yuav pub ib tug metub rau Aplaham yog Ixaj. Thiab Vajtswv tau cog lus tseg hais tias Nws yuav pub Nws tibleeg tub los rau peb sawvdaws ib yam. Tus ntawv yog Tswv Yexus.